



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXIII [i. e. XXXIIII].

urn:nbn:de:hbz:466:1-11453

nebit, & vt formidatur, indiēs augebitur: maiestas Imperij decidet. Et facile est toleratu, si modò perseuerat incolumitas & libertas à Turco, quæ & ipsa vocatur in discrimen.

CAPVT XXXIII.

HAc ergò tempestate, per annum quinquagesimum tertium Romana pridem biceps aquila, facta est anceps, si caput ei reliquū sit, posteaquā Constantinopolitanum Orientis deperijt, capta per Turcum eius imperij sede: Occidentale se nusquā nisi intra viscera cōmouet, absumens vires in domesticos, quas verteret iustius in externos. Turcorum Imperator, posteaquā LXVI. diebus nulla permissa requie, Constantinopolim oppugnauerat, & vir Italicus tutandorum murorum suscepisset præfecturam, dum Turci acrius imminerent, quā vrbici tuerentur, capta est insigne decus Christianitatis Constantinopolis: Innumera ciuium multitudo, sine discrimine sexūs, ætatis, ordinis, perditæ. Rex ipse, vt ferunt, qui inerant, fugientes, dum per auersam ab hoste portam cum populo fugam parat, in ipsa pressura consumptus est. Scuitū tamen est in cadaver mortui, truncatūq; caput delatū est per castra in contumeliā victorum: prophanata templa: euersa altaria: cōspuitæ imagines, imprimis Crucifixi Domini in castra relata, cōspuitaq; ridetur. Stuprata sacratæ virgines: Matrona in castra præactæ, libidinē impleuere spurcissimorū canū: Et illud æternæ Sophiæ consecratū templū, sine exēplo sordidatū contaminationibus Mahumeticis. Illa tū sunt facta, q̄ & dictu sunt difficilia, & auditu horrifca: Omnē nobilitatē tyrānus curauit excindere: quæ vt se pderet, præconem iussit pclamare: Si q̄ se auro redimere velint, liberū facere victorem. Tum terræ

Ggg 4 procures,

proceres, & ciuitatū principes, inani spe libertatis ducti, prodūet de latibulis. Vbi iam omnes videt cōuenisse, iubet ferri gladio. Mutus hīc etiam Tullius pro rerum calamitosa satis serie deploranda. Per duos dies liberum fuit Turcis, domos diripere, pradā conuectare: in omni genere rerum, hominum, iumentorum, vestium, auri & argenti, & omnis supellectilis. Qui talem ac tantam vrbis calamitatem dignis desleat verbis, neminem arbitror extare. Ferunt qui copias eius compertas habuere, trecenta fuisse millia, qui à terra oppugnārint: à mari, triginta millia, trecentis velis annotatis.

CAPVT XXXV.

Sed post aliquot annos, cū idem ferocissimus hosti-
Sin interiora Christianitatis ducens, Belogradum
oppugnaret, celerius Christianis auxilio proueniente, ce-
lebris ex hoste victoria prouenit, Iohanne Huniad Vai-
uoda pugnante: Iohanne verò Capistrano, viro religio-
so de Minorum obseruantia, pro muris populum exhor-
tante, & ad Deum clamante. Cesa sunt hostium mul-
ta millia, & pro numero nostrorum plurima: Interce-
pta hostis machina, bombardæ, & omnis generis bellicus
apparatus. Eam nostrorum victoriam tam impatienti
animo fertur hostis tulisse Turcus, vt lachrymas vir se-
uus nō teneret, vt barbam velleret, & ea, quæ solent in-
sani, faceret. O si nostri tum principes vsi ea fuissent
victoria, recentem hostis cladem prementes, nec fuisset
resumptis viribus respirare, non extra spem fuisset,
tum omnem Europam, fugato hoste, occupare.
Sed languidum caput, defecta membra, tum non susti-
nuerunt fortiter agere pro nostris. Erant in Macedonia
nonnulli duces Christiani, quibus animus fuisset hosti
occurrere, immò fugientē insectari, si suppetias vllas ex
Christi-